

KERATAN AKHBAR

TARIKH : 13 JANUARI 2023
AKHBAR : BERITA HARIAN
MUKA SURAT : 25

Ekonomi Malaysia dijangka lebih sederhana

Ekonomi Malaysia dijangka lebih sederhana

Pertumbuhan keluaran dalam negara kasar (KDNK) Malaysia akan lebih sederhana tahun ini, dengan jangkaan permintaan luaran yang berkurangan disebabkan oleh langkah memperketatkan dasar bagi membendung tekanan inflasi.

Ketua Ekonomi ASEAN dan Asia Selatan Standard Chartered Bank (StanChart), Edward Lee, berkata 2023 bakal menjadi tahun mencabar bukan saja kepada Malaysia tetapi global dengan unjuran KDNK dunia yang lebih perlahan.

Beliau berkata, KDNK Malaysia dijangka terus berkem-



Edward Lee

bang sekitar 4 peratus pada 2023, sebahagian besarnya disebabkan oleh kesan asas yang tidak menggalakkan.

Katanya, walaupun Malaysia mencatatkan pemulihan KDNK yang pantas sekitar 8.8 peratus pada 2022, unjuran pada tahun ini masih dianggap kukuh di tengah-tengah persekitaran yang mencabar.

"Perkembangan ekonomi Malaysia juga akan disokong oleh pemulihan dalam beberapa sektor utama seperti pembinaan serta makanan dan minuman yang ketika ini masih di bawah paras sebelum COVID-19. "Selain itu, langkah China

membuka sempadan dilihat dapat membantu pemulihan sektor pelancongan, di mana sektor ini adalah antara penyumbang utama KDNK negara.

"Pasaran buruh yang sihat harus menyokong pertumbuhan gaji dan perbelanjaan isi rumah serta kedudukan Malaysia yang kekal sebagai penerima manfaat trend penempatan semula rantaian bekalan," katanya ketika taklimat media unjuran ekonomi Standard Chartered Bank di Kuala Lumpur, semalam.

Impak kepada prestasi eksport
Lee berkata, bagaimanapun, permintaan luar mungkin lebih lemah, manakala kitaran segmen elektrik dan elektronik berkemungkinan sudah mencapai puncak sekali gus memberi impak

kepada prestasi eksport negara.

Beliau berkata, kos pembayaran hutang yang lebih tinggi akibat kenaikan Kadar Dasar Semalaman (OPR) dan inflasi juga boleh menjejaskan kuasa perbelanjaan sebenar.

Katanya, Bank Negara Malaysia (BNM) dijangka melaksanakan sekali lagi kenaikan OPR pada separuh pertama 2023 kepada 3.25 peratus daripada 2.75 peratus pada akhir 2022 untuk menangani risiko permintaan dan inflasi.

"Inflasi keseluruhan mungkin lebih rendah sedikit pada 3.1 peratus pada 2023 daripada 3.4 peratus pada 2022. Kami merasakan perubahan kepada subsidi bersasar bahan api akan mula dilaksanakan pada separuh kedua ini," katanya.